



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU STRANKE ZA NAROD BOSNE I HERCEGOVINE

Broj: 03-07-6-435/11  
Sarajevo, 7. maj 2012. godine

## S A D R Ž A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE.....	5
5. NALAZI .....	5

## **MIŠLJENJE REVIZORA**

Služba za reviziju finansiranja političkih stranaka izvršila je pregled finansijskih izvještaja Stranke za narod BiH i to: godišnjeg finansijskog izvještaja za 2010. godinu i finansijskog izvještaja za period od dana podnošenja prijave za ovjeru za izbore do dana ovjere rezultata općih izbora, održanih u oktobru 2010. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Nakon što je stranka dobrovoljno otklonila nedostatke i dostavila korigovane obrasce godišnjeg finansijskog izvještaja za 2010. godinu, nije utvrđeno ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona BiH.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled finansijskih izvještaja Stranke za narod BiH i to: godišnjeg finansijskog izvještaja za 2010. godinu i finansijskog izvještaja za period od dana podnošenja prijave za ovjeru za izbore do dana ovjere rezultata općih izbora, održanih u oktobru 2010. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranke za narod BiH je iskazala i ostvarila ukupne prihode u iznosu od 15.280,00 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk. prih. %
1	Članarina	8.300,00	54,32%
2	Prilozi fizičkih lica	4.100,00	26,83%
3	Prilozi pravnih lica	2.880,00	18,85%
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ostali prihodi	0,00	
	<b>Ukupni prihodi:</b>	<b>15.280,00</b>	<b>100,00%</b>

U godišnjem finansijskom izvještaju politička stranka je iskazala ukupne rashode u iznosu od 37.676,31 KM.

## 2. PREDSTAVLJANJE POLITIČKE STRANKE

Naziv političke stranke: Stranka za Narod Bosne i Hercegovine. Skraćeni naziv: SzaNBiH.

Politička stranka je registrovana 14.05.2010. godine u Općinskom sudu u Zenici, broj upisa 043-0-F1-10-000003.

Sjedište političke stranke je u Zenici, M.S.Serdarevića 1.

Lice ovlašteno za zastupanje stranke je Ramo Isak, predsjednik stranke.

Lice ovlašteno za podnošenje finansijskih izvještaja za 2010. godinu je Damir Bajramović.

Prema podacima iz godišnjeg finansijskog izvještaja za 2010. godinu, Stranka za Narod BiH je do 16.10.2010. godine imala niže nivoe organizovanja, kada je predsjednik stranke donio Odluku o raspuštanju Kantonalnih i Općinskih organizacija stranke, i to:

- sedam općinskih organizacija stranke.<sup>1</sup>

Predsjednik stranke je dana 16.10.2010. godine donio Odluku o raspuštanju kantonalnih i općinskih organizacija Stranke za Narod BiH, zaključno sa naprijed navedenim datumom, te ostaje da egzistira samo općinska organizacija Zenica.

<sup>1</sup> Općinske organizacije: Zenica, Vareš, Maglaj, Breza, Bihać, Odžak i Bugojno.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke za Narod BiH za 2010. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2010. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

**Obim pregleda i kontrole** finansijskih izvještaja Stranke za Narod BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka i odredbama člana 15.10 Izbornog zakona BiH, odnosno usklađenosti izvora finansiranja i načina trošenja sredstava, sa posebnim naglaskom na priloge pravnih i fizičkih lica i troškove predizborne kampanje.

### 4. PRETHODNE KONTROLE I REVIZIJE

Kontrola finansijskih izvještaja Stranke za Narod Bosne i Hercegovine se obavlja prvi put.

### 5. NALAZI

Nakon što je stranka dobrovoljno otklonila nedostatke i dostavila ispravljene obrasce godišnjeg finansijskog izvještaja za 2010. godinu, nije utvrđeno ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

#### **Troškovi predizborne kampanje**

Stranka za Narod Bosne i Hercegovine postupila je u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 7.832,92 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>2</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Stranka za Narod BiH je u svrhu izborne kampanje mogla da potroši 1.257.627,00 KM.

---

<sup>2</sup> Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

## KOMENTAR

U ostavljenom roku, Stranka za Narod Bosne i Hercegovine se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2010. godinu.

Stranka je vratila zabranjene priloge u ukupnom iznosu od 600,00 KM i od 238,70 KM, te dostavila dokaze o povratu sredstava od pravnih lica, čime je otklonjeno kršenje odredbi člana 8. stav (1) i (2) Zakona o finansiranju političkih stranaka. Stranka je, takođe, dostavila i ispravljene i dopunjene obrasce godišnjeg finansijskog izvještaja za 2010. godinu.

Služba za reviziju je izvršila uvid u dostavljene obrasce i utvrdila da je stranka u skladu sa odredbama člana 13. stav (3) Zakona o finansiranju političkih stranaka dobrovoljno otklonila nedostatke u finansijskom izvještaju.

Mr. Hasida Gušić, šef Službe za reviziju

Veliborka Kenjić, revizor